



SINCE 1994
FASTCREDIT

C R E D I T O R G A N I Z A T I O N

«Ֆասթ Կրեդիտ Կապիտալ» ՈՒՎԿ ՓԲԸ
"Fast Credit Capital" UCO CJSC

ՀՀ, 0047 ք. Երևան, Նորք Մարաշ, Գ. Հովսեփյան 32/6
32/6 G. Hovsepian, Nork Marash, Yerevan, 0047, RA

Հ/Դ: (+374 10) 51 00 00
Է/Է: info@fcc.am

FC1070E#21/02/26- 05

26.02.2021թ.

**ՀՀ ԿԵՆՏՐՈՆԱԿԱՆ ԲԱՆԿԻ ՆԱԽԱԳԱՀ
ՄԱՐՏԻՆ ԳԱԼՍՅԱՆԻՆ**

Հարգելի պարոն Գալստյան,

Հաշվի առնելով ՀՀ ԿԲ Խորհրդի 2008թ.-ի դեկտեմբերի 30-ի թիվ 373-Ն որոշմամբ հաստատված «Ազդագիր և հաշվետու թողարկողների հաշվետվություններ» կանոնակարգ 4/04-ի 43-րդ կետը՝ Ձեզ ենք ներկայացնում «Ֆասթ Կրեդիտ Կապիտալ» ՈՒՎԿ ՓԲԸ 2020թ.-ի երկրորդ կիսամյակի գործունեության միջանկյալ հաշվետվությունը:

Առդիր 10 (տասը) էջ:

Հարգանքով՝

Գործադիր տնօրեն/
Վարչության նախագահ՝

Զեզ
Համրվ. Դեմսեյան

Կատարող՝ Էդմոնդ Էլոյան
Հեռ.՝ (+374 10) 51 00 00 /1070/







**«ՖԱՍԹ ԿՐԵԴԻՏ ԿԱՊԻՏԱԼ» ՈՒՎԿ
ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅՈՒՆ**

**ՄԻՋԱՆԿՅԱԼ ՀԱՇՎԵՏՎՈՒԹՅՈՒՆ
2020 ԹՎԱԿԱՆԻ 2-ՐԴ ԿԻՍԱՄՅԱԿԻ**

ՀԱՇՎԵՏՈՒ ԹՈՂԱՐԿՈՂԻ ՊԱՏԱՍԽԱՆԱՏՈՒ ԱՆՁԱՆՑ ՀԱՅՏԱՐԱՐՈՒԹՅՈՒՆԸ

Սույնով հաստատում ենք, որ մեր լավագույն տեղեկացվածության համաձայն՝ «ՖԱՍԹ ԿՐԵԴԻՏ ԿԱՊԻՏԱԼ» ՈՒՎԿ ՓԲԸ (այսուհետ՝ Թողարկող) 2020թ. 2-րդ կիսամյակի միջանկյալ ֆինանսական հաշվետվությունը ճշգրիտ և լիարժեք ձևով արտացոլում են «ՖԱՍԹ ԿՐԵԴԻՏ ԿԱՊԻՏԱԼ» ՈՒՎԿ ՓԲԸ ակտիվների և պարտավորությունների, ֆինանսական վիճակի, եկամուտների և ծախսերի իրական պատկերը, իսկ կառավարման մարմինների 2020թ. 2-րդ կիսամյակի միջանկյալ զեկույցը ճշգրիտ և լիարժեք ձևով արտացոլում է Թողարկողի ընդհանուր վիճակը, բիզնես արդյունքները և զարգացումը ու ներառում է այն հիմնական ռիսկերի նկարագիրը, որոնց հետ առնչվում է «ՖԱՍԹ ԿՐԵԴԻՏ ԿԱՊԻՏԱԼ» ՈՒՎԿ ՓԲԸ-ն:

<p>Հակոբ Ղոնջեյան (անուն, ազգանուն)</p>	<p>Գործադիր տնօրեն, Վարչության նախագահ (պաշտոն)</p>	<p> (ստորագրություն)</p>	<p>28.02.21թ. (ամսաթիվ)</p>
<p>Կամո Մայիլյան (անուն, ազգանուն)</p>	<p>Գործադիր տնօրենի տեղակալ, Վարչության անդամ (պաշտոն)</p>	<p> (ստորագրություն)</p>	<p>28.02.21թ. (ամսաթիվ)</p>
<p>Գարեգին Դարբինյան (անուն, ազգանուն)</p>	<p>Գործադիր տնօրենի տեղակալ, Վարչության անդամ (պաշտոն)</p>	<p> (ստորագրություն)</p>	<p>28.02.2021թ. (ամսաթիվ)</p>
<p>Լիլիա Մովսիսյան (անուն, ազգանուն)</p>	<p>Գլխավոր հաշվապահ, Վարչության անդամ (պաշտոն)</p>	<p> (ստորագրություն)</p>	<p>28.02.21թ. (ամսաթիվ)</p>

**ՈՐՊԵՍ ՀԱՇՎԵՏՈՒ ԹՈՂԱՐԿՈՂ «ՖԱՍԹ ԿՐԵԴԻՏ ԿԱՊԻՏԱԼ»
ՈՒՎԿ ՓԲԸ ԿԱՌԱՎԱՐՄԱՆ ՄԱՐՄԻՆՆԵՐԻ
2020թ. 2-ՐԴ ԿԻՍԱՄՅԱԿԻ ՄԻՋԱՆԿՅԱԼ ԶԵԿՈՒՅՑԸ**

ՀԱՇՎԵԿՇՈՒՅԻՆ ՀԻՄՆԱԿԱՆ ՑՈՒՑԱՆԻՇՆԵՐ

Հաշվետու միջանկյալ ժամանակաշրջանի վերջի դրությամբ «ՖԱՍԹ ԿՐԵԴԻՏ ԿԱՊԻՏԱԼ» ՈՒՎԿ ՓԲԸ-ի (այսուհետ՝ Կազմակերպություն) ակտիվները կազմել են շուրջ 50 մլրդ ՀՀ դրամ՝ 2020թ.-ի երկրորդ կիսամյակի ընթացքում աճելով գրեթե 1,6 մլրդ դրամով կամ 3.42%-ով: Կազմակերպության ակտիվների գերակշիռ մասը բաժին է ընկնում հաճախորդներին տրամադրված վարկերին՝ 31.12.20թ.-ի դրությամբ կազմելով ակտիվների 82.44%-ը: Վարկային պորտֆելը 2020թ.-ի երկրորդ կիսամյակի ընթացքում աճել է 1,4 մլրդ ՀՀ դրամով կամ 3.5%-ով՝ 31.12.20թ.-ին կազմելով մոտ 41,1 մլրդ ՀՀ դրամ: Կազմակերպության ընդհանուր պորտֆելում ՀՀ դրամով վարկերի տեսակարար կշիռը ընդհանուր պորտֆելում աճել է՝ կազմելով վարկային պորտֆելի 79.18%: Դրամական միջոցները (կանխիկ դրամական միջոցներ, մնացորդներ բանկերում) 31.12.20թ.-ի դրությամբ կազմել են 1,6 մլրդ ՀՀ դրամ, որը կազմում է Կազմակերպության ընդհանուր ակտիվների 3.23%-ը:

Ակտիվների աճին զուգընթաց երկրորդ կիսամյակի ընթացքում 5.1%-ով աճել են նաև Կազմակերպության պարտավորությունները՝ 31.12.20թ.-ին կազմելով 37,6 մլրդ ՀՀ դրամ, 2020թ.-ի երկրորդ կիսամյակի ընթացքում աճել են ներգրավված փոխառությունները: Այսպես՝ 31.12.20թ.-ի դրությամբ նշված փոխառությունները և վարկերը կազմել են 29,6 մլրդ ՀՀ դրամ՝ միջանկյալ հաշվետու ժամանակահատվածի ընթացքում աճելով 5.3%-ով:

31.12.2020թ.-ի դրությամբ Կազմակերպության կողմից թողարկված պարտատոմսերի պորտֆելը կազմել է 835,000 ԱՄՆ դոլար: Կազմակերպության կապիտալը կազմել է մոտ 12,2 մլրդ ՀՀ դրամ:

ԵԿԱՄՈՒՏՆԵՐԻ ԵՎ ԾԱԽՍԵՐԻ ՀԻՄՆԱԿԱՆ ՑՈՒՑԱՆԻՇՆԵՐ

Կազմակերպության զուտ տոկոսային եկամուտները դիտարկվող ժամանակահատվածի համար կազմել են 4,5 մլրդ ՀՀ դրամ:

31.12.20թ.-ի դրությամբ չաշխատող վարկերը (համաձայն ՀՀ ԿԲ ստանդարտների հսկվող, ոչ ստանդարտ, կասկածելի դասերով դասակարգված վարկեր) կազմել են Կազմակերպության վարկային պորտֆելի 30.95%-ը: Պետք է նշել, որ դրանց գերակշիռ մասը ապահովված են բարձր իրացվելի թանկարժեք իրերի գրավներով:

2020թ.-ի տարեվերջին Կազմակերպությունը ունեցել է շուրջ 2,5 մլրդ ՀՀ դրամի զուտ շահույթ: Կազմակերպության ակտիվների շահութաբերությունը 31.12.2020թ.-ի դրությամբ կազմել է 5.16%, իսկ կապիտալի շահութաբերությունը՝ 21.24%:

ԿԱԶՄԱԿԵՐՊՈՒԹՅԱՆ ԱՇԽԱՏԱԿԻՑՆԵՐԸ

Հաշվետու ժամանակահատվածի ընթացքում շարունակել է աճել Կազմակերպության աշխատակիցների քանակը՝ 31.12.2020թ.-ի դրությամբ հասնելով 588-ի, որը 9.7%-ով գերազանցում է նախորդ կիսամյակի ցուցանիշը:

Կազմակերպությունը յուրաքանչյուր ստորաբաժանումում ունի անձնակազմի ուսուցման գծով պատասխանատու, ով կազմակերպում է վերապատրաստման դասընթացներ տվյալ ստորաբաժանման, ինչպես նաև մասնաճյուղերի աշխատակիցների համար: Կազմակերպությունն օգտվում է նաև ինստիտուցիոնալ վերապատրաստում իրականացնող ընկերությունների ծառայություններից: Կազմակերպությունում գործում է Խորհրդի կողմից հաստատված վարձատրության հաշվարկման և վճարման կարգը, որը՝ ըստ ստորաբաժանման, յուրաքանչյուր հաստիքի համար նախատեսում է լրավճար, պարգևավճար և հաստիքավճար: Ավելին, Կազմակերպությունում նախատեսված է տարին մեկ անգամ աշխատավարձի վերանայում:

ՄՐՑԱԿՑԱՅԻՆ ԴԻՐՔԻ ՎԵՐԼՈՒԾՈՒԹՅՈՒՆ

2020թ.-ի երկրորդ կիսամյակի ընթացքում վարկային կազմակերպությունները արձանագրել են հիմնական ֆինանսական ցուցանիշների աննշան աճ: Պանդեմիայով և երկրում տիրող ռազմական դրությամբ պայմանավորված նկատվել է վարկավորման ծավալների նվազում, իսկ պարտավորությունները էական փոփոխություններ չեն կրել: Նույն ժամանակահատվածում, Կազմակերպության ակտիվները և վարկային ներդրումները աճել են համապատասխանաբար 3.42% և 3.5%-ով, իսկ կապիտալը նվազել է 1.4%-ով:

2020թ.-ի երկրորդ կիսամյակի ընթացքում վարկային կազմակերպությունների մոտ պարտավորությունների կտրուկ աճ չի նկատվել: Նույն ժամանակահատվածում Կազմակերպության պարտավորությունները աճել են 5.1%-ով: 2020թ.-ի երկրորդ կիսամյակի տվյալներով ՀՀ վարկային կազմակերպությունների ակտիվների շահութաբերությունը կազմել է միջինը 1.13%, իսկ կապիտալի շահութաբերությունը՝ 6.52%, իսկ նույն ժամանակահատվածում Կազմակերպության ակտիվների շահութաբերությունը 2020թ.-ի երկրորդ կիսամյակում կազմել է 5.16%, իսկ կապիտալի շահութաբերությունը՝ 21.24%:

Ստորև ներկայացված են Կազմակերպության հիմնական մրցակցային առավելությունները՝

✓ Տոկոսային և ոչ տոկոսային բարձր եկամուտների գեներացման կարողություններ (արտահայտված տոկոսային մարժայով, ինչպես նաև գործառնական եկամուտներ/ակտիվներ հարաբերակցությամբ):

Կազմակերպության տոկոսային մարժան հաշվետու կիսամյակի տվյալներով կազմել է 9.89%: Երկրորդ կիսամյակի համար գործառնական եկամուտներ/ակտիվներ հարաբերակցությունը կազմել է 9.71%:

✓ Վարկային պորտֆելների և ներգրավված փոխառությունների առավել ցածր դոլարիզացիա: 31.12.2020թ.-ի դրությամբ Կազմակերպության կողմից արտարժույթով տրամադրված վարկերի կշիռը կազմել է ընդհանուր վարկային պորտֆելի ընդամենը 20.82%:

✓ Կապիտալիզացիայի բավականին բարձր մակարդակ: 31.12.20թ.-ի դրությամբ Կազմակերպության կապիտալի համարժեքության ցուցանիշը կազմել է 21.43%:

ՀԵՏԱԳԱ ԶԱՐԳԱՑՄԱՆ ՆԿԱՐԱԳԻՐ

Առաջիկա տարիների համար Կազմակերպությունը կանխատեսում է ապահովել կայուն աճ իր հիմնական ֆինանսական ցուցանիշների գծով: Կազմակերպությունը վարկավորումը կթիրախավորի չորս հիմնական ուղղություններով՝ Մանրածախ, ՓՄՁ և կորպորատիվ, Գյուղատնտեսական և Հիփոթեք:

Ակտիվների աճը կգուգակցվի վարկային պորտֆելի շարունական աճով: Ունենալով ինչպես դրամային, այնպես էլ արտարժույթային ռեսուրսների զգալի պաշար՝ Կազմակերպությունը շարունակելու է ակտիվ վարկավորումը: Կազմակերպությունը տրամադրում է ծրագրային վարկեր «Բնակարան երիտասարդներին» ՎՎԿ ՓԲԸ-ի, «Ազգային հիփոթեքային ընկերություն» ՎՎԿ ՓԲԸ-ի հիփոթեքային վարկավորման ծրագրի շրջանակներում, ինչպես նաև տրամադրում է գյուղատնտեսական վարկեր գերմանական KFW բանկի կողմից ֆինանսավորվող ծրագրի շրջանակներում: Միաժամանակ, կազմակերպությունը իր սեփական միջոցներով կշարունակի վարկավորումը:

Շարունակվելու է ակտիվություն ցուցաբերել կորպորատիվ շուկայում՝ պարտատոմսեր թողարկելով: Թողարկումից գոյացած դրամական միջոցները կուղղվեն վարկավորմանը:

Պայմանավորված COVID-19-ով՝ աշխարհում սկսեց մեծ թափ հավաքել բիզնեսի թվայնացումը: Առաջիկա տարիների ընթացքում նորագույն տեխնոլոգիաների արագ զարգացումը, դեմոգրաֆիկ փոփոխությունները, հաճախորդների նոր տեսակի պահանջմունքների ձևավորումը և կարգավորող մարմինների վերահսկողական պահանջների խստացումը բանկային համակարգը կենթարկեն լուրջ փոփոխությունների:

Վերոնշյալ գործոնները էական ազդեցություն կունենան նաև հայաստանյան ֆինանսական շուկայի վրա: Սույն գործոններով պայմանավորված՝ մարտահրավերներին դիմակայելու և դրանց շնորհիվ մրցակցային առավելություն ստանալու համար Կազմակերպության կողմից շարունակաբար իրականացվում են հետևյալ փոփոխությունները՝

- ✓ Սպասարկման ցանցի ընդլայնում, սպասարկման գործընթացի օպտիմալացում և հեռահար սպասարկման հնարավորությունների ավելացում: Սպասարկման ցանցի ընդլայնումը պայմանավորված է մասնաճյուղային ցանցի ավելացմամբ՝ հաճախորդներին առաջարկվող ծառայություններից օգտվելու հասանելիության և հարմարավետության բարձրացման նպատակով: Նշված փոփոխությունները բարձրացնում են Կազմակերպության գործունեության արդյունավետությունը և բարելավում են հաճախորդների կողմից մեր ծառայություններից օգտվելու հարմարավետությունը: 2020թ.-ի երկրորդ կիսամյակի արդյունքներով Կազմակերպությունը ունի 24 մասնաճյուղ Երևան քաղաքում և ՀՀ մարզերում:
- ✓ FC Bank բջջային հավելվածի ֆունկցիոնալության ավելացում և կատարելագործում, ինչը հնարավորություն է ընձեռում մեր հաճախորդներին ավելի հեշտ ընկալել մեր կողմից առաջարկվող ծառայությունները և ավելի հաճախ օգտվել դրանցից (User friendly):
- ✓ Ավելի հաճախորդակենտրոն բիզնես մոդելի ձևավորում (Client Oriented), որը ենթադրում է հաճախորդների հետ հաղորդակցման գործընթացի բարելավում, ինչպես նաև ֆինանսաբանկային շուկայի ծառայությունների և սպասարկման նկատմամբ հաճախորդների կարիքների ավելի խորը ուսումնասիրություն և այդ կարիքներին բավարարող թիրախային լուծումների առաջարկում:

Այս փոփոխությունների արդյունքում ակնկալվում է ստանալ հաճախորդների կողմից բարձրացված խնդիրներին ավելի արագ արձագանքում, հետադարձ կապի ուժեղացում՝ արդյունքում նպատակադրվելով մշտապես բարձրացնելու լոյալ հաճախորդների քանակը:

ՌԻՍԿԵՐԻ ԱՄՓՈՓ ԲՆՈՒԹԱԳԻՐ

Կազմակերպության ռիսկով կշռված ակտիվների գերակշիռ մասի աղբյուր է հանդիսանում վարկային ռիսկը, ինչը պայմանավորված է գործունեության հիմնական ուղղվածությամբ:

ՎԱՐԿԱՅԻՆ ՌԻՍԿ

Կազմակերպության խնդրահարուց վարկերի (համաձայն ՀՀ ԿԲ ստանդարտների հսկվող, ոչ ստանդարտ, կասկածելի դասերով դասակարգված վարկեր) ցուցանիշը 2020թ. երկրորդ կիսամյակի վերջի դրությամբ կազմել է 30.95%: Պետք է նշել, որ դրանց գերակշիռ մասը ապահովված են բարձր իրացվելի թանկարժեք իրերի գրավներով: Մեծ մաս են կազմում սուբյեկտիվ դասակարգված վարկերը:

Ընդհանուր վարկային պորտֆելի կենտրոնացումների մակարդակն ըստ տնտեսության ճյուղերի և խոշորագույն հաճախորդների գտնվել է սահմանված նպատակակետերի շրջաններում: Կազմակերպության վարկային քաղաքականության հիմնական ուղղություններից մեկն է վարկային պորտֆելի դիվերսիֆիկացիայի բարձրացումը: Վարկային ռիսկի կառավարումը իրականացվում է վարկառուների գործունեության ընթացիկ մոնիտորինգի և պարբերաբար վերլուծությունների միջոցով: Շարունակվում են համապատասխան միջոցառումներ իրականացվել վարկերի տրամադրման որոշումների կայացման ավտոմատացված համակարգերի ստեղծման և վարկունակության գնահատման ներքին սքորինգային համակարգերի բարելավման ուղղությամբ:

2020թ. երկրորդ կիսամյակի ընթացքում Ֆինանսական ցիկլի ինդեքսը շարունակել է ցուցաբերել նվազման միտումներ, որը վկայում է, որ առկա անորոշություններով պայմանավորված, նվազել է ֆինանսական համակարգի մասնակիցների ռիսկի ախորժակը, և վարկային շուկայում գերակշռել է առավելապես պահպանողական վարքագիծը: Առկա են վարկավորման աճի տեմպերի նվազման միտում՝ պայմանավորված սեպտեմբերի 27-ից սկսված պատերազմական գործողությունների արդյունքում ռիսկերի և անորոշությունների մեծացմամբ: Նվազման միտումներ արձանագրվել են վարկավորման բոլոր ուղղություններում, որոնք հատկապես զգալի են եղել սպառողական և հիփոթեքային վարկավորման ոլորտներում:

ՇՈՒԿԱՅԱԿԱՆ ՌԻՍԿ

Շուկայական ռիսկի հայեցակարգում հիմնական ռիսկի աղբյուրներն են արտարժույթային փոխարժեքների և պետական պարտատոմսերի շուկայում տոկոսադրույքների տատանողականությունը:

2020 թ. երկրորդ կիսամյակի առաջին ամիսներին պահպանվել է ցածր գնաճային միջավայր, ՀՀ ԿԲ-ն 2 անգամ վերանայել է վերաֆինանսավորման տոկոսադրույքը, սեպտեմբեր ամսին իջեցնելով 0.25% բազիսային կետով՝ իրականացնելով խթանող դրամավարկային քաղաքականություն: Համավարակի բռնկված նոր ալիքի, ՀՀ-ում հայտարարված ռազմական դրության և դրանց ներքո՝ տնտեսական զարգացման հեռանկարների հետ կապված անորոշությունների ավելացման հետևանքով տարեվերջին արձանագրվել է սպասվածից ցածր տնտեսական ակտիվություն, իսկ վերաֆինանսավորման տոկոսադրույքը բարձրացել է 1 տոկոսային կետով՝ կազմելով 5.25%: Պետական պարտատոմսերի եկամտաբերություններն աճել են եկամտաբերության կորի կարճաժամկետ և երկարաժամկետ հատվածներում:

Արտարժույթային շուկայում ԱՄՆ դոլար/ՀՀ դրամ փոխարժեքը եղել է կայուն աճող, դրսևորել է բարձր տատանողականություն՝ պայմանավորված COVID-19 պանդեմիայով և ռազմական դրությամբ: Կազմակերպությունը փորձել է ունենալ փոքր արտարժույթային բաց դիրք:

Ավելորդ ռիսկերից խուսափելու նպատակով՝ եվրո և ՌԴ ռուբլի արտարժույթներով բաց դիրքերը հիմնականում պահվել են փոքր: ԱՄՆ դոլարով արտահայտված դիրքը եղել է բաց, սակայն կառավարելի մակարդակում: 2020թ. երկրորդ կիսամյակի ընթացքում ընդհանուր առմամբ արտարժույթի վերագնահատումից գրանցվել է օգուտ:

ԳՈՐԾԱՌՆԱԿԱՆ ՌԻՍԿ

Կազմակերպությունում գործում է գործառնական ռիսկերի կառավարման արդյունավետ համակարգ, որի հիմնական բաղադրիչներից մեկն է հանդիսանում մշտական հսկողության համակարգը: Կազմակերպությունը չի կարող ակնկալել, որ կբացառի բոլոր գործառնական ռիսկերը, սակայն ջանքեր է ձեռնարկում կառավարելու դրանք, ինչպես վերահսկողական հայեցակարգի, այնպես էլ հնարավոր ռիսկերի մոնիթորինգի և դրանց հակազդման միջոցով:

Ներքին հսկողության համակարգը Կազմակերպության գործունեության բոլոր ոլորտների և գործընթացների նկատմամբ հսկողության ապահովումն է: Կազմակերպությունում ներկայումս ներդրված է արդյունավետ, միջազգային լավագույն փորձին համապատասխան ներքին հսկողության համակարգ, որն ամրագրված է Կազմակերպության ներքին իրավական ակտերով:

Ավելին, Կազմակերպությունում գործում են Ներքին աուդիտի, Ռիսկերի կառավարման և համապատասխանության (Ներքին դիտարկումներ), որոնք նպաստում են ներքին հսկողության արդյունավետության բարձրացմանը:

Ներքին աուդիտի ստորաբաժանման խնդիրն է բացահայտել Կազմակերպության նպատակների իրագործմանը խոչընդոտող հնարավոր ռիսկերի բացահայտումը և ներքին հսկողության համակարգի բարելավմանն ուղղված առաջարկությունների ներկայացումը:

Ներքին դիտարկումների պատասխանատուն բացահայտում է ընկերությունում փողերի լվացման և ահաբեկչության ֆինանսավորման հավանական ռիսկերը, ուսումնասիրում դրանք՝ կանխելով փողերի լվացումը և ահաբեկչության ֆինանսավորման գործողությունները:

Անձնակազմի հսկողության բաժնի խնդիրն է Կազմակերպությունում հետևել անձնակազմի արտաքին տեսքին, կարգապահությանը և հաճախորդների հետ ճիշտ աշխատանքին: Կազմակերպությունում նաև 24 ժամ գործում է Տեխնիկական աջակցման բաժինը, որը հսկում է ներքին ծրագրերի անխափան աշխատանքը:

ԻՐԱՑՎԵԼԻՈՒԹՅԱՆ ՌԻՍԿ

2020թ. երկրորդ կիսամյակում ՀՀ բանկային համակարգում առկա է եղել իրացվելիության բարձր մակարդակ: «ՖԱՍԹ ԿՐԵԴԻՏ ԿԱՊԻՏԱԼ» ՈՒՎԿ ՓԲԸ նույնպես ապահովում է իրացվելիության բարձր և հուսալի մակարդակ, ինչը պայմանավորված է մի քանի գործոններով: Առաջին գործոնն այն է, որ Կազմակերպության պարտավորությունները հիմանականում միջնաժամկետ և երկարաժամկետ են, որոնք տեղաբաշխված են կարճաժամկետ և արագ իրացվելի թանկարժեք իրերի գրավով վարկերի տեսքով: Բացի այդ՝ տարիների փորձը ցույց է տալիս, որ նույնիսկ սեփականատերերից ներգրավված փոխառությունների գծով հաշվեգրված տոկոսները նույնպես վերաձևակերպվել են փոխառության, ուստի քիչ հավանական է համարվում դրանց վաղաժամկետ մարումը:

Կազմակերպությունը 2020թ. երկրորդ կիսամյակում սահմանված ժամկետներում վճարել է իր կողմից թողարկած կորպորատիվ պարտատոմսերի արժեկտրոնները, ինչպես նաև ժամանակին կատարել է մնացած բոլոր պարտավորությունները, որոնք փաստում են Կազմակերպության վճարունակ լինելու մասին: Կազմակերպությանը հաջողվել է պահպանել իրացվելիության բարձր մակարդակը իրավաբանական անձանցից ներգրավված միջոցների աճի հաշվին: Նշված հանգամանքը վկայում է Կազմակերպության նկատմամբ հաճախորդների բարձր վստահության մասին: